

芹山集卷之十五

五言絕句

延州有懷范老一首


秋半入延州
憑高朔氣浮
懷人不可見
明正當樓

鄒平喜雨

獨坐薔薇下
清風吹我襟
憑誰作霖雨
慰此三農心

渡江阻風

欲濟河無梁
楊花蕩飛絮
凌亂此洪波
江上徒



延佇

春日紫雲洞訪道士不遇

步入紫雲洞雲間天亦空
仙人採藥去洞草空
巖從

題月泉

春日度高峰酌此清泉水
泉流照我心明月空
千里

龍潭次陽明先生韻

四首

滁陽為我

聖祖駐蹕之地曾出潭下而龍興

詩因儒瞻拜賦此

曉步玄壇上乘龍憶主人雲雷時有作沛此王

臺春

傑閣煥奎文環山最深處鱗甲動秋風天光自
來去

綠溪千萬壘玉柱映飛花點染尋梅信賡酬問
大家

龍潭渺無際濯纓心亦閒獨立窺元化蹉跎鬢
欲斑

遊金焦山一首

金山與焦山對峙江流上乾坤此竒觀大道只

俛仰

乘風跨金鰲萬里一呼吸行行為問津吾道安
所極

題白雲洞

我愛白雲洞雲盤深復深
仙子不可見悠悠空
白雲

湖上與龔殿撰同遊一首

湖上清風來明月照千里
吾與爾同歸沉吟步
雲裏

登瑪瑙山一首

天風吹我衣獨步雲霄上
飄飄如紫芝坐聽清
泉響

春日泛湖得四首

四面臨湖水孤鶩度遠山
煙波無盡處縹緲出
人間

湖上望孤山霏霏此雲樹
仙人期不來乘舟訪
漁父

鳴雨侵寒夜孤帆出薜蘿
江頭回首望丹桂正
婆娑

春曉泛新荷煙波雨一簑
玉堂人共醉仙棹雜

詩集
三
笙歌

曉行二首

緩帶出滄浪
泠泠白露香
一聲聞鳳吹
何處是朝陽

曉月照龍沙
霜風侵鶴鬣
躋攀萬嶺雲
吸吸仙人掌

登瞻底嶺

三秋出龍城
萬疊躋瞻嶺
廣寒縹緲間
獨步娑娑影

秋樹

萬籟鳴秋空
蕭森此深處
天地本無心
落葉自來去

秋陽

太空寂無雲
熒熒見秋日
誰言秋氣涼
獨此能爍石

夜行二首

秋半度關山
霜寒浸涼機
爲愛龍門行
兩度看新月

長橋石亂流
高山月初缺
飄忽卧雲房
玲瓏吞玉屑

送馮南江侍御謫嶺南

君爲萬里行蕭蕭此江渚風帆薄楊花愁聽瀟
湘雨

偕同年周苒厓登莎坪二絕

孤鶴
秋半寒潭清天空黃葉落采采商山芝
翛然見

鳴鶴
乾坤作壯遊與君情脫落長揖謝山靈
九臯聽

晚宿山寺二首

秋夕坐禪林梧桐度金井嗟哉汗漫遊
令人發

深省

我愛園林好臨風獨舉觴月明聞鳳吹
幾度欲
寒裳

題居然亭二首

誰構居然亭湖山兩相對乾坤此室
廬洞觀超
萬類

至道有真味達人貴忘形紛紛竟誰
是與爾盟
山靈

贈友人王司徒明輔二首

洙泗日云遠萬古思揚波爲謝泗亭子
寒裳思

若何

河梁與爾別拂拂南薰時仗劍東西去臨風重
所思

贈任樵巖侍御

春日渡津亭爲訪樵巖子脉脉欲忘言閑坐觀
無始

贈別樵巖侍御

魯國有高士棲跡在西山欲向石扉問清風不
可攀

懷友人詩

石屏開錦繡郢曲綺雲霞悵望涼風外諸天散
落花

登廬山

望望廬山峰躋足凌空度飛仙渺何許只此蒼
烟樹

觀天池

池流自今古冷然此紺寒我來濯纓去蒼梧一
葉單

遊買島峪

獨步危樓上臨流此紺寒
乘風醉歸去春色蒲
關平

我愛買島山春明策几
期不來徘徊明

月上

齊集卷之十六

詩

七言絕句

蚤朝一首

天階月色欲向曙城上
柝聲忽復催出門走馬
長安去寂寂掖垣扉正
開

春夜集少湖席上

玉堂春夜酒罌開點點
奎光入座來醉和陽春
兩三曲起看明月下蒼
苔

再用前韻贈別張五山年丈入蜀

此日何日芳尊開與君對酌春風來岷峨壁立幾千
丈我欲從之空薜苔

登泰嶽峰一首

層層踏盡雲邊石脉脉時觀山下泉細讀黃庭三五
卷起看陵谷幾千年

登勝果寺四首

勝果山頭春晝遲藤蘿千仞絕丹梯採芝我欲乘風
去忽忽天階月上時

突兀中峰繞雲樹上有幽人讀書處玄關欲扣嗟已
遲回首天光自來去昔陽明先生隱處其間故云

躋攀直上月巖亭月色矍矍統翠屏我醉乘風扣閭

闔廣寒宮樹正青青

杖藜獨步雲霄上滴露盈盈吸仙掌俯瞰江流天地
迴長嘯一聲林谷響

瑪瑙山獨坐一首東張徐二年丈

曾約春明湖上來天空雲歛碧山隈思君却召尊前
約洞口桃花空自開

登天目山有懷高給舍

天山獨步秋風前山高雨急驚鷲鳴湍有懷美人不可
見日暮長歌行路難

孤山見梅贈張徐二年次韻

挺挺孤芳歷歲寒幾回搖落在江端
春風昨夜傳消息國色天香倚馬看

贈方少叅之閩

公嘗爲給舍

十年獨步雲霄上二月輕帆越水濱
醉拂龍泉倚星斗春江江上憶浮沉

岳廟讀滿江紅詞遂登護國寺有感賦此

吳山春望曉瞳矐踏盡南朝四百宮
越水潯浚幽草綠殘碑空讀滿江紅

贈張水南學士使楚

巫山高高詔初下漢水溶溶春且迴
獨和鳳凰臺上曲天風隱隱下蓬萊

虎跑寺有懷金內翰一首

大慈山頭春色遲虎跑泉上雲影移
安得美人跨飛鶴與君細和東坡詩

望固原一首

萬山深處薄鳴沙隱隱孤村三兩家
直向金城問消息狼烟千里絕胡笳

望首陽山一首

采薇隱隱說西山落日孤雲自往還
獨把生芻吊祠

下滄江誰識舊時顏

過孟縣次壁間韻一首

步出河陽日欲斜
東風歌吹落誰家
太平只有山翁好
歲歲相看一縣花

河內即事

驅車侵曉出銅鞮
十里飛沙路欲迷
忽聽悲風起鴻鴈
憑誰直達禁城西

時寓沙河行宮故云

寶叔塔次包侍御舊寅丈韻二首

停驂越下三年客
送別秋風萬里舟
却憶醉題光嶽後
乾坤贏得此重遊

東來老我臨江閣
南去多君駕海舟
徙倚闌干問明月
天涯何日更同遊

豐樂亭邀萬吏部裘霍二侍御同遊三公皆同年也席間次歐陽公韻三首

萬山空洞暮猿啼
祭戟遙臨雪正飛
珍重曲江春燕好
相將猶似上林歸

奎光千里夜相輝
隱隱天香拂繡衣
名教不妨真吏部
舞雩高詠此同歸

豐樂亭前石徑斜
醉翁行樂寄天涯
臨風我亦陶然去
踏盡溪邊蘆荻花

甲辰宿木蘭寺次史鹿野司馬韻 四首

春寒千里赴秦關飄泊西山半日閑幾度山頭望闔
闔白雲隱隱自飛還

尋幽直上此禪關入定鍾聲心自閑野鳥獨憐春富
貴低迴夜夜不知還

木蘭天外襲餘香冉冉臨流卧石床醉起欲騎飛鶴
去扶搖逐盡海雲長

上林春曉發天香廿歲茲晨捧御床已丑典故云莫向
西風問蕭索燕山叢桂日舒長

過雲巖

爲橫渠先生作會處

雲巖千載說橫渠樸檉林阜樂有餘豈是乾坤大生
意滿川騎犢下菑畲

登盤山嶺

杖策躋攀十八盤行雲高礙遠峰攢謾遊欲寄龍門
興表裏山河入大觀

薛村見牡丹

閒關千里渡桑乾幽谷俄驚見牡丹歷盡冰霜心更
赤春風猶自隔長安

義合驛次壁間王晉溪少保韻

升沉兩度入秦中萬疊河山一徑通細和并州詩未

得五雲回首麗晴空

贈蘇別駕 一首

宦轍分携已十年屏山相對各皤然古今誰繼紫綵
興老我浮名繫塞邊

洛川卧病有感 二首

病容消瘦忽三秋對鏡非吾亦怡懷萬里家鄉音信

杳燕山空日暮三堆

學古勉為清白吏子孫誰復信言心床頭金盡無顏
色冷眼相看苦不禁

齊山集卷之十七

五言律詩

岐山春日

遲日東郊入瞻雲北闕平春盤行玉笋仙吹雜金聲
百二河山固續紛禮樂明太平原有象嵩祝倍馳情

開城新麥

原上麥青青東風緩帶行草抽四野綠鶯囀百花明
溜石清溪亂烟雲紫塞橫龍沙有開府終日罷長征
午日奉侍石門相公行邊時北虜來降者二詩

以紀之得二首

午日風光好邊城節鉞過縱橫驅虎豹表裏控山河
獻納黃扉近經營紫塞多胡兒爭効款彈缺爲悲歌
天險稱榆塞元戎出相公尚方新劔履密勿舊夔龍
萬里風霆迅諸夷拜舞同

聖書輝映處千載頌豐功

九日陪南川中丞登月宮寺二首 次韻

上郡雄秦域觀風侍栢臺霜飛秋月冷菊放綺筵開
洞古雲深入天空鴈自來茱萸和露飲杖竹下蒼苔
秋風尋古渡玉節上瑤臺蒼翠千峰出徘徊一澗開
巖深籐繞去僧定鶴飛來倚劔看天外龍沙半蘚苔

聞笛

斜日照雲林孤村出寒瀨蛩然聞笛聲翩翩鶴相待
下馬去採芝仙人復何在空遺爛柯經讀之發天籟

登關山嶺一首

迢遞關山路侵尋兩度過春雲連虎豹秋月映籐蘿
地脉西通海天騎北渡河龍城無戰伐樵採夕陽多

過交河

迤邐出硤口招搖向渡頭掩靄龍蛇窟浮沉鸚鵡洲

到山窮十里觀海隔三秋 心未曾按 部海上 老我浮名客乾

坤汗漫遊

次荆門有懷樵巖

纔自武城來又向濟水去冉冉征途間因之歲云暮
鴻鳴良自傷津窮復誰晤緬邈長風餘美人在何處
春日泛湖次同年姚殿撰韻二首

曲江春讌後偶此泛滄洲放鶴驚漁火尋梅傍雪樓
衣冠千載會烟景四時浮獨立窺元化臨風尚欲留

又

尋真何處是雪夜度芳洲出沒雲邊石參差月下樓
方輿吳越勝王氣古今浮爲愛春光好徘徊去復留

過老子宅

迢遞望仙宮融融紫氣通虬龍飛白日野鶴唳長風
故宅餘苔蘚函關盡泰嵩獨憐塵世客落莫自西東

題王喬洞一首

次韻

野嶂寒雲合仙崖古木森鳳笙流曲澗鳧鳥度層陰
洞口藤蘿暗桑田歲月深夜來逢石髓滴滴浣塵襟

觀窰

懸崖幾千尺穴處半重窰甕牖蟾光引柴門雪夜敲
顛蒙還野鹿伏臘獨村醪我有山棲興憑誰問大皞

郊行

杖策出東郭看山作遠遊晴波帶瑤草白日照層樓

倚劍衝牛斗乘風跨海騶
劃然醉歸去何必訪丹丘

原州夜行

迢遞開城路蕭蕭月下
行雲移斗初出露冷鶴長鳴
仙吹留空谷蟾光薄太清
獨憐遠遊子衰鬢日星星

登北山寺

唐太宗征虜至山下聞捷報遂建寶塔今有遺像在亦謂之千栢寺云

古栢凌蒼昊奇峰繞碧泉
浮圖擎曉露汗馬繪凌烟
龍鳳垂身後麒麟靄御前
夜來看北極朔氣滿秦川

瓦亭阻風一首

華亭行出塞驍騎獨衝寒
白日飛沙暗驚颼鼓角殘
龍城森劍戟沙峴却呼韓
忽聽閨中怨蕭關客戍難

鵝池二首次曉溪兵憲韻

絕蹤連雲上重關
曲澗回陰森穿洞口
突兀簇城隈
遠脉天瓢瀉鴻荒地
險開鵝池誰作者
觴詠亦休哉

登樓

畫棟邊城合乘驄
有客來提戈鳴夜月
折柳賦春臺
青海風煙靜玄堂
玳瑁開笑談思范老
烏合已祈哀

登王母宮一首

汨澗通回麓晴曛拂上宮
雲深琪樹暗鳥去玉臺空
仙姥流風迥遊人感興同
獨憐漢天子馳逐盡西東

登子午嶺一首

萬里馳京洛三秋上翠微陰陽分造化今古重郊畿
律轉星南下春深鴈北歸竒觀此雲谷徒倚對斜暉
望華山二首

望望華山高三峰削劍旄躋攀循鳥道橫巨帶江濤
入眼迷千嶂凌空跨六鰲壯遊窮宇宙對此獨吟豪
華嶽峙崆峒陰森貫白虹月臨仙掌動東峰曰仙掌鶴舞
露臺空紫塞千門險丹梯萬仞通希夷如可問吾欲
駕長風

登閣礙作

躡足凌高閣南薰拂袖來乾坤行處迥吳楚望中開

道腸還思雨風流為問才歸來時耿耿雲
漢自昭回

直羅弔古次五華尚書韻 直羅古縣名今

野戍連烽堠城隈枕石泉炎堯綠絕蹤縹緲出寒煙
斷岸兵戈後殘碑漢魏前逢人談往事明月下前川
途次有懷石翁相公

元老行邊口

天上寵數蕃玉符頒禁掖龍劍壓崑崙列帳叨分席臨岐
拜贈蒼蒼雲樹遠何日御龍門

曉出清澗二首

午夜過清澗潺湲亂石流五雲初捧日孤鴈欲橫秋
直北沙場靜瀕東王氣浮龍圖千載後誰與寄先憂
誰瀉天瓢水喧飀萬壑鳴懸崖寒噴玉耀日倒翻鯨
飄忽時開鑑徘徊幾濯纓望洋秋更渺落莫愧浮生

延川道中

萬里秋風道滄泓此澗長夕陽橫翠黛深樹雜笙簧
對月琴三弄衝天劍一囊夜來吞沆瀣飛爽度瀟湘

月夜得二首時有羽林諸士

月夜訪崇阿翩翩逸興多天香紛蕙蕪蟾影映山河
縹緲聞仙吹徘徊振玉珂

月下控驂騶薰風上玉鈎平原狡兔疾猛將角弓艘
肘後懸金印風前擁翠裘龍沙驅爾戰投筆看封侯

寧塞再侍在翁讌集

鳴劍馳羗塞薰風動葛巾轅門誇畫錦沙峴絕胡塵
射粽彎新月流霞對上賓琵琶彈野調清賞愜邊人

宿華池驛

步入華池道蕭蕭春夜寒斷雲行處合野燒望中殘
傾蓋逢仙客豪吟憶雨山

壁間有郭侍御之作夜分不成寐鬱

鬱問民艱

濟寧晚渡

星輶還濟上凌亂此晴波風雨驚流電漁樵聽晚歌
鷗從新水漲舟拂片雲過獨坐不成寐臨流思若何

過磨盤山

在潯陽北

纔躋南北嶺復上磨盤山日月輪迴裏乾坤杳靄間
雪殘狐兔疾劍佩千牛寒踏盡僊人澗頽然六一閒

壽督府劉松石翁

二首

江漢曾儲秀乾坤此象賢高標森劍佩麗藻動奎躔
河洛功千禩經營策萬全夜來歌舞處南極正中天
百二雄諸郡張皇屬壯猷簡書輝節鉞風采動

宸旒點檢龍沙定馳驅可汗收勳名惟獨步千載覆金甌

再過延川有感

間道出延川逶迤幾百里石瀨驚鳴湍羊腸奔迅駛
疇昔此行行蹉今復爾爾美哉歌甘棠千秋竟誰是

芹山集卷之十八

詩

七言律

九日登月宮寺次晉溪太宰韻一首

突兀群山枕碧流五雲繚繞帝王州龍光隱見排山

壁石間有蟄龍出故云月色曠隴射海樓貝闕獨憐秦樹秒朔

方長護漢宮秋凭闌不盡登臨興醉吸長鯨把釣鈎

東行偕同年周每厓兵憲登嶽廟賦此

華嶽西遊作大觀葱蔥佳氣接長安芙蓉削出三峰

秀祭戟飛來十月寒苔蘚漫尋唐姓字石壁有真嶂

卿字故云

言集
嶸爭覩漢衣冠曲江賴有同心客百尺登臨興未闌
晚度雲臺觀

一派笙歌雜洞霄雲間縹緲識王喬煙籠十里龍蛇
窟月轉千峰鳥雀橋落葉半山楓樹老飛鴻聯翼海
天遙憑虛却憶希夷跡幾度山頭問大撓

登回山一首

回山鼓角驚殘夢春曉瑤池作勝遊青鳥飄颻仙馭
遠玄宮掩霽夜光浮崑崙脉脉來西域芝茵熒熒射
斗牛獨把霞觴醉歸去桑田試問幾添壽

奉送石翁相公行邊二首

秋高萬里關山月客渡千迴瀚海波鐵騎長鳴寒塞
虜奎光直指動星河九邊悵望飛鴻杳五色行看補
袞多立馬終南謾相送鳳鳴隱隱上鑾坡

萬里行邊使獨勞金湯隱隱壯岷洮匡時雅重陳三
策却敵爭傳富六韜龍馬千年尋勝跡秋風孤劍出
蘭臯明光召對知前席停看旂常下寵褒

元日秦府同君子朝闕因燕賦此

獻歲椒花酒欲醺長安春曉各氤氳傳宣魏闕千官
集歌吹秦關午夜紛班合天潢隨禁步恩沾湛露挹
晴曛微臣欲効甘泉賦回首天門靄卿雲

對竹 次韻

虛堂誰種碧琅玕孤節稜稜午夜寒
藜拂清芬塵外立雲移踈影月中看
九苞縹緲時棲鳳百轉依稀見舞鸞
幾度尋盟驚歲晚虛中應共此心丹

登鎮朔樓二首次太師邃翁韻

天設沙場古鎮雄嵯峨高閣對崆峒
元戎分閫三邊控絕塞稱藩一徑通
虎豹雲連寒夜月貂蟬霜拂麗晴空
凭闌開府紆籌策一統山河指顧中

嶠函千里設重關隱隱危樓鼓角寒
呼吸風雲沙漠靜參差城闕翠微盤
指麾却虜懸金印樽俎談兵戴鶻冠
擬絕天驕扶社稷動名湏向鼎彝看

謁孔林

十載懸思謁孔林泰山東望柏森森
嶠嶠白石瞻天表突兀玄堂控地陰
鍾鼎百年嚴秩祀聖神千古賴傳心
塵容何幸叨登降金石洋洋一聽音

入關次楊邃翁督學韻一首

千里星輶江上還朔風吹我入函關
洞霄縹緲思蒼水豐芑綿延對華山
荏苒幾年憂負國品題終日漫開顏
三秦直許楊夫子耿耿流風未可攀

奉別張南溪總憲貴州詩

山斗懷君二十年秦關叨得紫薇聯經綸獨倚擎天
手麗藻驚看白雪篇萬里關山人去遠孤桐風雨夜
談玄丈夫意氣知何在桂海風清共此天

交河遠眺

西風疋馬度晴山萬里煙光入大觀綽約幾株桃杏
雨崎嶇十里翠微灘行吟獨覺良工苦對景那知行
路難日暮江湘何處是五雲回首即長安

時
車駕幸承天故云

邠州懷古

春明緩步入邠城冉冉韶華拂太清隔岸晴曛迷柳
色遷喬風暖遞鶯聲黃雲秀起欣逢雨青海煙平不
用兵幾度梁山問遺跡夕陽野叟更含情

偕謝兵憲揚總戎登鎮朔樓一首

夕陽獨上定邊樓野吹荒煙草木秋高閣時聞金鼓
震陰山那許郅支遊衝天劔佩渾如練醉月玻璃半
似鈎多少英雄此談笑投戈指日破邊愁

鳳陽望

皇陵有作

長淮南去望

神宮曙色曛曛上海東虎踞龍蟠雄絕代金泥玉檢貫

言集
虹濠梁一脉開昌運豐邑千年憶駿功忝竊孤臣無
寸補滔滔江漢日朝宗

過淮有懷同年劉尹 公爲遼東人時已東歸
矣

三十年前我渡淮東君亦自曲江來臨軒禮樂同三
策報國英雄遍九垓擊楫獨憐衝白浪騁懷誰與步
蒼苔臨風欲寄梅花信鐵嶺那堪萬仞隈

曉度關山望滁陽作

東南聞說此關山屈曲諸峰四面環劒拂晴空雲出
沒風迴石蹬水潺湲迢迢擬接三秦脉

秦中亦有秦關山故云

翠時開六一顏過此欲尋亭子樂強吟猶自怯彤管

憶瑯琊山 至江浦作

瑯琊名擅古環滁遷客頻看動使車亭閣憑虛空色
相文章絕代重璠璣江樓時繞并州夢鳳曲空慙太
白書在冉浮名成底事蕪葭秋水更躊躇

芹山集卷之十九

詞

奉和總制楊南澗先生行邊詞十首

出塞

節鉞飛霜六月寒

簡書分閫自長安飄颻越調雲中出徙倚吳鉤月下看○
鳴劔履拂鞞鞍萋萋塞草悲風酸貔貅直擣祁連宋
閃爍旌旗露未乾

右調鷓鴣天

介冑雲屯旌旗日擁秋高風動轅門

天書赫奕車馬薄郊村正是王師無敵控弦士萬壘續紛
奮鼓譟陰山直北落日正黃昏○龍沙無足馬輕裘
緩帶細柳芳樽晴空時拔劍殺氣猶存煞看行邊籌
策呼吸處風雨攸分可信道甲兵數萬青史更傳聞

右調滿庭芳

天風萬里廓妖氛正是防秋七月電掣星流驅虎豹
隱隱狼烟息滅金城天府虎踞龍蟠直與天雄接長
城登眺真是古今奇絕○憶昔黃扉從事紫塞經營
韜略曾聞說往年從石門相
公行邊故云天地龍蛇變化裏多少

陰山冰雪義旗直指

聖主獨怡情○胡馬突奔沙漠外渭水許誰盟白草萋萋

右調念奴嬌

賀蘭亦木喜功成虎豹儼深更看河西長城千萬里
聖主獨怡情○胡馬突奔沙漠外渭水許誰盟白草萋萋
黃雲靄靄獵射馬蹄輕

右調少年遊

師行方震索儼軍容爭睹輪轅錯落肅將

天討出入龍沙縱橫馬陣恰是嘉禾方割懷歸念渾忘却
試轉秤看他羸着輪着先着後着○儵忽風雲變態
金鈇爭鳴驅車相薄白刃交橫黃雲掩靄楚天寂寞

更喜軍中行樂舞琵琶貂蟬盈幕都道是談笑英雄
山河盟約

班師

右調宴清都

夏日行邊秋風振旅駢駢鐵騎生光看鯨鯢窟伏煙
海蒼茫執訊獻俘天正好擊筑時樂意陽陽虎豹守
關金湯設險慶澤難量○屯營醉月飛觴更覓裳妙
舞寶劍清光喜華夷一統翊戴

皇土元勲裒功垂竹帛慶鴻飛密勿巖廊玉燭調成金甌
覆姓國勢增強

右調金菊對芙蓉

斬將寒旗陣欲殘夕陽衰草朔風酸爭覩汾陽一騎
單○經略勲名馳塞外凱還詩興入毫端隱隱麒麟
閣上看

右調浣溪沙

謝惠劍

萬斛秋風生寶鉞沉沙歲幾更自是龍精銷不得氣
冲河漢點點照人明○武庫儼縱橫寵錫轅門孰與
京我欲持之千萬里妖氛掃蕩琴劍更雙清

右調南鄉子

謝惠書 寧夏志醫書

龍馬微文獻杳丘索茫茫聞道苦不早表裏山河業
非小信史垂成詞源三峽倒○治恢弘

君壽考

國脉靈長調燮知多少忝竊孤臣日未老行看萬里沙
場掃

右調蘇幕遮

謝惠燕燕題將壇生意云

梧桐一葉金聲動蟾宮萬里橫空綺筵高照水晶宮
鳳笙隱隱終日坐春風○半畝池塘浮歛灑乾坤生

意倣同蛟龍變幻海雲東陽春白雪酬唱燭搖紅

右調臨江仙



芹山集卷之二十

書啓

崇儉議啓事

某等不揣敢拜手敬扣于

有道之門曰竊聞諸禮國奢示之以儉國儉示之以禮其在成周命畢公保釐東郊曰敝化奢麗萬世同流惟德惟義時乃大訓不由古訓于何其訓間嘗三復斯言而有感于南都之事似若少異于古人之訓者俯仰今昔思一挽回于明執事夫燕饗禮也而困于酒食則凶守官義也而盤于遊田則廢近訪諸鍾

山父老咸謂先年士風雅尚儉素而今不可復見矣
暨會諸曹士大夫則曰聞前輩典刑居嘗讀律以資
政理亦或讀書以養身心今或寡矣豈古今人之不
相及哉政務成于因循精神疲于奔走狂瀾既倒砥
柱爲難而蒞官行政講學明道之功亦或有不暇及
者矣夫居中國去人倫無君子不可以爲國某等豈
固附于貉者之爲哉獨以先王制禮弗可過也唯其
稱也是故太羹玄酒不以爲薄尊酒貳簋亦可用享
今或無是矣一燕而食前方丈一人而郊餞數席竊
恐古道寢微浸淫乎江左六朝之習矣有世道之責
者寧無憂乎傳曰大臣法小臣廉言有幾也矧時方
多事西北戒嚴東南力竭至塵我

正上之憂則凡爲臣子者所宜卧薪嘗膽約已裕民有不
可一日荒于其職者而可徒然泄泄也哉某等人微
言輕輒敢冒昧及此極知得罪第心有未安而勉強
從之恐非誠心直道之爲者故不避譴責嗷嗷若此
萬一芻蕘可采繼自今量爲裁抑諸凡僅以成禮不
必侈靡相高用以養廉用以進德則亦返朴還淳之
一道也或曰子之言似矣毋乃傷于吝而薄于情乎
吾嘗聞諸孔子曰禮與其奢也寧儉又曰與其不遜

也寧固鄙人碌碌寔自甘于固陋者知我罪我其將
焉歸矣乎某等不勝惶恐負罪之至謹

啓

右同約者爲都御史彭黈太常卿陳儒府尹鄭漳
光祿卿陸垹通政使鄭大同鴻臚卿鄭曉太常少
卿錢邦彥府丞胡叔廉通政叅議呂懷大理寺丞
周亮凡十人時嘉靖辛亥秋七月望日也廣陽陳

儒識

奉祈壽文啓事

儒姓某氏爲錦衣望族歸先戶部大夫式克內助

性勤儉時供織紡樹蔬遊宦廿有餘年素衣荆飾泊
如也治家嚴而有恩先有過罔或假借至於疾病飲
食則曲加調護內庭整整教子尤嚴庸某暨第四人
俱令向學每鷄鳴卽令家人秉燭促之讀書時或遊
戲博奕輒就鞭笞諸子肅然無敢犯者正德二申先
大夫卒門祚衰薄母悲憤日殷惟迪諸子曰爾母墜
厥宗承厥考志吾朝夕望汝某等惕然思奮懼無以
仰承德意乃叨有今日母之教也嘉靖甲申恭遇

天子推恩

勅封太安人霞帔珠翟寔昭

王度茲迎養東郡復朝夕命之曰慎爾官堅爾志毋酷虐
母貪縱用母負

明天子休命我亦永服茲寵不則凶爾身將貽及我爾其
念哉某凜凜若侍諸師保罔敢佚乃無敢失墜母之
箴也每歲時祭享已而承懽膝下爲子者三爲孫者
七爲曾孫者六子姓繩繩同居三世母之磨若訓也
式維艱哉茲卜有一月望日吾母壽躋七表某愧無
以養且無以報也輒不自揆敢齋沐稽首

上扣伏望

大人先生俯賜一言某借以侑觴少盡一日之情且
將示諸孫子用昭不朽詩云欲報之德昊天罔極
呼其諸攸賴於茲乎冒瀆

台衡其不勝瞻望感戴之至

上座主西原先生書

奉違已逾半歲企仰日深而寸楮尚未徹左右某罪
何辭某聞諸柳永州曰凡號門生而不知恩之所自
者非人也某庸劣誤辱甄收終身受用深荷與進
之恩且復深愧將無以仰副知遇於萬一也輒自文
旆家居朝夕在念而謾無一言奉問豈其情哉某自
春初即有昌平之行踪跡日遠雲山在望曾託周同

年赤山奉候惴惴于今而猶未卜其果馳上否也乃遠辱手教某之譴其何辭哉死罪仰惟

先生宏才雅望素重天下而訂正大典又足以考三王俟後聖邇雖引去而公論之在天下後世者將益重矣側聞勅復貞吉雅興方深時撫江山之勝而悲酸感慨或傷今古之迹而校雙折衷先生高志當於是焉償之矣某敢不重為吾道慶耶第宦途羈縲固克服勒左右如古人事師之禮然一念感德之私則死而弗忘也先生其諒口哉

原先生書

儒奉違

道範幾十載於茲矣山斗之仰與時耿耿仰惟吾

師家傑之才聖賢之學蔚為海內文宗某也濫竽門墻光重驪黃之外亦既久矣越自己丑歲出守東邦即欲奉書門下願謏薄之材繆當衝劇重以頻歲告災維持拯拯如將弗及故幾把筆輒復中止而區區通問之忱則固已踈於左右矣某竊惟天下之所重者道為大人之所以講明斯道者師為大道之不明也久矣某雖無似顧獨淪於荒落之歸哉簿書筐篋日攬於前而東西南北役役於宦轍者無停機則雖

欲樞衣左右嚅嚅道真亦固有不得遂其初心者矣
謂之何哉恭聞吾

師嘉遜丘園尚友義孔則其靜修所得當必有洞先
天之妙而開萬世道學之傳者謂先生之隱天其無
意於斯文也乎昔濂洛諸君子倡明道學夷考其時
幸立朝未久而從事於探討服行之功故萬世之人
文是賴焉然則西原之行謂非先生之道之傳不可
也某也碌碌浮名勉承菽水顧弗得朝夕門墻趨承
筆硯則其鬱鬱于衷者當復何如近喜龍石翁學士
家居驪然相得時或邂逅論文叨承餘馥泝厥源

或者其先生之教我乎

龍石為西原
先生故云

繼今亦惟勉思

企及毋蹈支離母墜淵谷固某所以事先生終身之
義也外近作一通并錄呈覽侵尋茅塞亦惟
先生終教之某頓首

寄謝許學士祈雨文有感并請謝雨之作

我聞古訓曰若歲大旱用汝作霖雨初直以為古人
命相擬諸形容云爾乃茲執事憂時感事啓我愚蒙
惠我文告仰禱而靈雨應期三日而甘霖大沛東郊
老稚懽然隴畝是雖

天佑我民然大人弘濟艱難固悠然於對越之下矣

然則謂公爲霖雨非與適屬吏率諸父老奔走請謝
諸壇其所以對陽明府者亦惟我執事是賴輒敢再
瀆尚當爲東人百拜以謝不宣

寄穆玄菴太史書

某生也晚每仰

執事聖賢之學高尚之志幾欲摳衣未可得茲幸濫
竽名邦相違咫尺時以旱告弗克即候台衡爲歉另
違荷手教昭假同心曷勝感戢近聞屬邑多雨郡
中亦復波及知

天心之仁覆我邦暨我執事江湖之憂於是爲至去天

敢不拜嘉臨楮草草申謝伏惟

台亮不宣

祈龍石學士光嶽樓記小啓

承諭

光嶽樓有作定曠百年而有待於今者豈茲樓之瑞
氣攸徵哉某也濫竽守土竊幸遭逢茲也礮石告成
群工執役敢祈

垂教用勒貞珉式拜君之賜不朽

請楊太史題名記啓事

昌平在

京師之北越西北爲居庸關陵跨宣大又西爲白羊口
鎮邊城東爲黃花鎮放之爲渤海所則又隣乎韃靼
者也要害有鎮鎮有屯戍戍有芻糧則皆仰給於大
司徒氏故事歲左主事一人督餉其地間以時巡而
籌其多寡虛實之數前侍御屠君僑曰
國之大事惟茲儲蓄歲不繼則匱急察不嚴則滋蠹弗
繼而蠹何以爲國迺建白于

朝請部使恒駐之昌平將以周會計而繩之罰

制可之始自正德丙子迄于茲維嘉靖乙酉春某濫竽茲
委時求諸先宦而軌轍焉其自弘治丁未謫言之名
氏備列于壁前是則無所於稽某也賢某也否惕然
是懼顧茲恐不足以垂久遠昭鑒戒迺鳩工載勒之
石敢祈我

大人先生辱惠訓辭垂之不朽豈惟某也敢專承之
其嗣是有位是拜君之賜

上當道諸老書

某猥以駑駘仰承

聖恩謬加任使暨

臺端汲引曲成之慈日篤則某之所以圖報於
明時者寔無敢解於其心矣竊念倉儲爲軍

國重務而天下事亦必綱舉然後目張也查得南京糧儲往年俱是參政參議至南京部運其通判等官無敢不來者近來參政等官俱廢格不至其各府通判等官亦遂効尤舉一省而無一人至者體統既失關防遂弛中間侵欺抵換之弊乃遂紛然日出豈國家立法端使然哉矧

留都爲

祖宗根本之地倉庫空虛關繫非細其本匪人無能驅策而所司之因仍怠忽以致有誤軍需如此皆其之罪也茲不揣敢申明

不復冒昧具陳伏望台慈軫念

國計特承

天語丁寧責成撫按俾庶官知警如期部運則

國家倚毗于台衡者當萬矣其何人敢言承藉弊蒙之休哉某下情不勝悚仄待罪之至

又

南都歲用先年額有定數其歲派亦有常征緣量入爲出無敢過費故歷年來少有存積近因邊方多事自嘉靖十八等年來陸續取去南京在庫官銀一百餘萬兩又因該科題將嘉靖三十等年三年錢糧折

銀改解太倉濟邊此皆爲軍

國重務夫復何言但自題

請之後改北三年南京坐支三年又三十年正月內取去銀三十萬兩原題照數補還貯庫今以防邊緊急一時尚未補及則分數又去三年矣就以該科原題謂有十年之積今存積能幾何哉故每即倉庫厥經卷簿逐一扣算大約本色米止可勾二年以上之用折色應動折糧銀兩不及一月之用則亦可謂空虛之甚矣職待罪于時寔切憂懼每詢之縉紳參之司屬皆謂後處軍需裁抑浮費其在今日寔有不容緩者

不得已博參故牒究竟時弊敬以一二事冒昧

上陳然皆應納錢糧見行禁例非敢分外僭爲擬議以速
出位之德也伏望

軫念時艱速爲查議

上請俯賜施行則先事豫圖南都將重荷

弘濟之休而下官亦少遺尸素之罪矣不然時訕舉
羸周章日取其將何以爲謀哉庶濟

尊嚴臨楮不勝顛越待罪之至

與彭中丞論兵書

庚戌夏五月望日

海內承平久矣日來不虞倭寇猖獗突爾至此計不

免重勤 門下之經營也初聞之計旬日間濬掠即去可無事張皇不意邇來傳報日急攻圍日久而海鹽之攻今猶未解此雖非貴屬然江海相連輻輳相倚恐不可不預為之所也昨有謂某為公同年者當以時事相聞歸而謀諸 澹泉因得觀 公之答澹泉者則諸凡事宜澹泉備言之我公亦已先行之矣余何言第屢聞警報區區杞人之憂亦自有不能已於言者竊惟

明公身任天下之重則東南數百萬生靈

國家數百萬財賦皆於明公是託偶值此變寔為數奇

言念明公當必有食不下咽者然天下事亦豈吾一手足一聰明之所能及哉鄙意謂撲之於早或報之稍緩或報而未盡猶之可也今則攻圍日久創殘日甚事勢岌岌乎譬言之撐大厦然恐非一木之所能支也嘗聞昔之討賊者曰上告

天子下告方伯其在今日亦安得不聲此義於天下乎前閣公移謂已經具題不知近已

命下否鄙意謂

廟堂元老及兩京部堂大臣并臺諫等衙門恐亦當相聞并諮訪禦寇長策倘有可采即取而行之亦可為

倥傯之一助不然人知時事難處雖在我不得辭其責或亦有諒我之心者矣辱在年末敢希腹心不知高明以爲如何 又禦寇事宜 澹泉意則每欲調沙船置神鎗火器調安慶弩弓并題

請諭外國招寇中來降及操練官兵民夫此數事區區北人皆非所知惟公擇而用之惟是官軍鄙意謂原設以備海洋者不知可徑調用否若會同操江衙門可以調用毋令東南有奚爲後我之望如未敢擅調則亦當會本或自行亟請於朝候

命下以軍法行之或以守城或以出戰則於事體似爲相應蓋目今題請似若已遲然七年之病求三年之艾或猶可及不然此寇必待北風乃去其可甘心以受彼之蹂躪乎 又或有謂今日之事似爲操江專職此亦誠然鄙意謂若是江上零賊出沒其間謂爲操江之責可也今則攻圍我郡縣殺戮我人民蓋亂臣賊子人人得而誅之者吾以身獨當其責戮力攻剿則諸屬遠近誰敢不從萬一功成可以報國可以保民吾事畢矣不然乃亦兵家常事吾亦何恨昔諸葛武侯謂成敗利鈍非臣之明所能逆覩然卒成恢復大功名垂宇宙故曰蔡功惟斷乃成其無乃是之謂

平弟狂斐之談冒昧及此亦恃吾丈之深愛云爾如不可采請以擲之大抵兵難遙奪而况么麼小子其何敢置喙於長者之側乎亦唯

台衡鑒亮幸甚不宣

與徐少湖元老書

恭惟

聖明簡在入典

絲綸中外臣工罔不翕然為

宗社靈長之慶矧某濫竽榜末久荷台慈其驩欣依戴之私益無涯矣時忝竊留都弗克金堂稱賀曷勝瞻仰謹齋沐具啓頌言也貧少致鄙忱伏惟為

國崇護用副華夷之望不宣

與歐陽南野宗伯書

恭惟 從吉

簡在

聖明百年禮樂之興行將接武夔龍矣濫竽榜末可勝欽仰茲敢具啓申賀伏望檐帷蚤駕用副

當宁倚毗至意固中外臣工之望也不宣

與朱南岡先生書

某孤貧失學蚤歲得從遊

先生之門提携訓誨如將弗及乃遂叨釋褐沒與仕途

父師罔極之恩殆莫罄名言矣年來南北睽違重以憂謫變故侵尋數年遂不及問安門下負罪何贖何贖然山斗在望則未嘗一日敢忘于心也仰惟吾師經濟宏才卓然名臣近者

廷臣交薦討當賜環以弘濟艱難保乂

王室此天下蒼生之望匪直某阿私所好云爾也乃尚弗果豈天未欲平治天下耶此某夙夜耿耿于懷固將有厚望於他日者矣維某謫薄邇來叨竊寔逾

涯分無之時詘舉羸殊憂形渥仰承吾

師素愛當必有以教之者翹望千里瞻依言不盡意統惟若時崇護祇膺平格之休不宣

寄司成順厓先生書

公時爲吏部

某猥以涼薄忝竊名邦歲月侵尋罪過殊甚往蒙軫念地方俯賜教翰用是倣于朝夕唯不共是懼顧駑駘之質勉策長途則亦未免於形之渥矣慚悚慚悚恭惟

執事海內文宗某也山斗之仰久矣近承嘉惠一帙獲見與甘泉先生往復論議令人爽然自失泉翁

身

以體認天理內外合一數語顧某

指歸舟展卷竊幸緒餘於私淑知先生之教我良篤至矣敢不拜嘉惟茲

聖作物親執事者持衡天下則吾道功用之全於茲見之此某當爲天下賀而不敢附以一已之私者也舟次匆匆言不盡意亦唯門下亮之

與屠竹墟中丞書

湖廣巡撫

時維履端伏諗

天休滋至湖南蒙福咫尺台階未繇一叅晤少申年誼可勝悵惘惟茲歲杪日來轉輸相繼重慰東南之望此

某當爲

國計謝匪直區區之私感而已也第鼎鉞虛席徵書當在指日恐不及久借寇耳草草勒狀統惟台鑒不宣

與翁孟山中丞書

江西巡撫

留都歲用不足而本部節年寄庫軍需乃有一二不敢動者蓋以初解之時曾無該司明文暫爾收受貯庫既收之後漫不清查完解年復一年遂委棄庫藏豈惟錢糧不敢動支而文卷終難杜絕矧奸頑効尤虧官損民日甚一日此則法所不宥抑明公所深

懲者也維茲時詘舉羸周章靡及適所司以故牘告
似亦法之不可但已者敢敬扣台衡萬萬下今所司
令如公移所云悉為一處又節年地方文冊又未造
報是為文獻不足徵者也并希諭及藩司蚤為造送
用稽盈縮尤拜明賜萬萬矣瑣瀆尊嚴臨楮不勝悚
及

與馮貞所方伯書

不才猥以謫薄待罪留都無足為高明道者維茲時
詘舉羸在帑折色無一月之積本色者亦無三年之
蓄此王制之所深憂者也奈何奈何公素以憂

國為心者敢僭及之嗣是可責成有司速為經理共濟
時艱此寔出於不得已然爾不然文移往復恐未免
重得罪門下矣亦唯高明鑒之

再與翁中丞書

時入為少司馬

恭聞

聖明簡在入典樞機此明公久繫天下之望乃茲對揚
王休者也敢不拜手為明時賀日府倅至仰承珍翰
佳刻兼承采及葑菲之雅顧某不肖其曷克以承之
然明公作人明道之功益溥矣觀者當自得之時方
憂旱邇來適得甘霖兼逢歲輸之及都懽慶當復

何如是尤當爲

國計申謝矣

與會前溪中丞書

不才企仰風裁久矣恭聞

聖明簡在經略東南寔爲

國計深慶第未及修賀門下正爾懷歎乃承翰貺遠及
感愧何如維時河流少梗伏讀來教益見憂時至意
計節鉞賢勞行將有底績之休矣欽仰欽仰倅旋先
此奉復并謝餘容嗣布不盡

與蔡可泉中丞書

伏承翰教知海洋寇退仰承經略之休實溥矣曷勝
欣慰曷勝欣慰倅旋草此附復良晤伊邇統惟台炤
不盡

與陳少岳太守書

承諭海寇事此今日第一急務蓋雖少退而所以爲
後事之防者恐不可不加之意矣門下諒自有處俾
東南寔受其福固區區鄙人之私願也匆匆不盡亮
之亮之

再與陳少岳太守論風俗書

聞古人以儷皮爲禮又云榛栗棗羞以告虔也江南

婚禮之侈者謂如纏扛而用紵絲綾絹襯盤而全用
紵絲與綾諸凡品物悉用貼金此尤爲侈之甚者所
謂作無益害有益者也又財禮而用三二百金庶人
之家而服飾上儻王侯此皆越禮犯分陵蕩無涯近
該禮部具題亦既有行矣試一申明禁之何如又區
區近年與南都臺省諸公著有崇儉議曾蒙采納其
在今日去奢從儉以挽回江南之風者寔惟門下是
賴倘因此省示專城不肖者首先奉法而江南儒素
之家或相觀以從焉豈非一大轉移之幾哉冒昧塵
瀆臨楮不勝悚仄之至

與龍石學士書

適過芳園佇瞻修竹有晉訪幽人之興擬卜日載酒
臨流賦詩將爲浮生一大快也乃忽辱手翰招我遊
遨有物我同春至意因見此心之同而執事之愛我
者久而彌篤矣感慰何如感慰何如第恐 明公家
食歲久或不免重勤庖人柰何

再與龍石書

託龍石作拘虛集序予亦敘于后故云

新雨微涼高堂畫錦尊翁諒納福無量敢此奉候日
者詩集告成光昭琬琰亦惟我執事是賴近蒙 石
亭之命勉綴數言極知瓦缶之鳴不足以溷黃鍾之

末辱在門牆亦固不容已於言者伏惟痛加改教
毋貽大方之羞則某之受教於先生者將不朽矣

謝王槐野書

雄辭高調直與班馬爭雄端溪公得之奚翅九鼎鄙
人亦藉寵光萬萬矣感激何如感激何如先此附謝
尚容齋宿申謝明德萬萬不盡

與邵石峰中丞書 時公以論宗藩事被勘故云

某竊惟天下事有甚可憂者每伏於無形之中是惟
明烟幾先者憂之而或是之迂何也某與濟南撫於
常道處亦既力言之矣顧謏薄無能爲役然

辜端風裁獨持危言激烈其憂

國保民詆邪展親之議則固昭在公論有終不可得而
拚者繼今 國是日定知曲突徙薪之功清議既孚
懋補天浴日之烈則大人保釐天下以隆夾輔之休
將有日矣是豈非中興之一大幾哉

與張水南學士書 會同校文南省故云

粵自己丑試叨從 館閣後受教定多嗣後南北睽
違重以遷謫遂不及裁候門下山斗之懷則未嘗敢
忘于心也邇來叨竊留都且將附籍荆溪蓋惟江南
文獻是依爾咫尺高軒末繇參侍敢齋沐具啓顯人

馳候少申仰止之私尚圖他日敬候 門墻不知可
得一遂否

與唐荆川內翰書

日者都下幸及龍門無任浣慰第塵冗匆匆無能又
攀遠駕爲歎耳嗣後復承翰教遠及益動遐思言念
僕本孤陋年來雖欲勉圖嚮往而落莫頽齡終恐未
能惟近日卜居江南定依文獻繼自今倘蒙不鄙行
將追隨道履上下於荆溪山洞間或亦不負此平生
大允中不盡

與趙侯同年書

環滁奉別後儵忽兩朞矣企仰高懷末繇再晤爲歎
乃茲遠承翰教兼之試錄之賜知三晉得人文體足
式仰見明公之力爲多矣曷勝浣慰仰惟雄材碩望
借寇晉陽表裏山河寔受其福計保釐當在指日矣
弟衰病日侵無足爲高明道者便中不識其何以教
我翹望

與朱兩厓同年書 兒曹曾爲公門下士故云

別久不勝瞻仰伏承翰教遠及益動遐思恭詢 台
履佳勝 天壽平格卓然爲南都表儀名教真樂固
有浮雲富貴者矣弟衰病日侵兒曹一鵬復蚤世承